

Script of Morning Gojri News Bulletin 17 December 2024 at 1015Hrs

مارننگ گو جری نیوز بلیٹن مورخہ 17 دسمبر 2024

یوہ آکاشوانی جموں ہے محبوب سلطانی تیں خبر سنو۔

One Nation One Election

اج لوک سبھا مانہ ”اک ملک اک چناؤ“ بارے بل نانہ پیش کیو جائے گو۔ قانون بارے مرکزی وزیر ارجن رام میگھوال آئین غا 129 ترمیمی بل تے مرکزی زیر انتظام علاقہ غا قانون بارے ترمیمی بل پیش کریں گا۔ اس ضمن مانہ ایوان مانہ دوہاں پلاں غی کا روانی درج ہے۔

RS Consitution

راجیہ سبھا اج بھارتی آئین غا 75 بہرا ہون بارے خصوصی گل بات نانہ جاری رکھے گو، تے منیو جا رہیو ہے وزیر اعظم نریندر مودی وی اس ضمن مانہ چل رہی بحث غو جواب دیں گا۔ راجیہ سبھا مانہ دو تہاڑاں ور مشتمل خصوصی بحث غی شروعات پچھلے تہاڑے کی گئی۔ جس غی شروعات وزیر خزانہ نرملا سیتھا رمن نے آئینی اسمبلی غا ممبران تے خصوصی طور ور 15 خواتین نانہ خراج عقیدت کرن توں کی تھی۔

LG NEP

لیفٹنٹ گورنر منوج سنہا نے پچھلے تہاڑے کہیو ہے جے قومی تعلیمی پالیسی مہارہ مستقبل غی ترقی واسطے اک مضبوط بنیاد رکھ رہی ہے۔ انہاں نے اس گل غو اظہار پچھلے تہاڑے گوئڈہ اتر پر دیش مانہ شری لال بہار شاستری ڈگری کالج غا پر تیبہ سمان سمارو مانہ نوجوانان نانہ اعزاز سنگ نوازن غے دوران کیو۔ جناب سنہا نے وزیر اعظم نریندر مودی غی رہنمائی مانہ پچھلا کجہ بہراں اندر اعلیٰ تعلیم غا شعبہ مانہ ہون آلی تبدیلیاں نانہ وی آجاگر کیو۔ انہاں نے کہیو جے تعلیم، مہارت سازی تے دیگر نے بھارت نانہ نوی ترقی غو انجن بنا دتو ہے۔ واضع رہ جے یوہ پروگرام سابق رکن پارلیمان تے سینئر بی جے پی رہنما ستیا دیو سنگھ غی برسی غی یاد مانہ منایو گیو تھو۔ ایل جی موصوف نے مستقبل غی افرادی قوت نانہ بدھان غی صلاحیت تے ڈولپ انڈیا یعنی ”ترقی یافتہ بھارت“ غا نظریہ نانہ حقیقت مانہ بدلن مانہ تعلیمی اداراں غا اہم کردار ور زور پایو۔

CM

وزیر اعلیٰ عمر عبداللہ نے پچھلے تہاڑے اس گل نانہ دوہراتاں واں کہیو ہے جے اُن غی سرکار غیر جانبدارانہ طرز حکمرانی غی وعدہ بند ہے، نال ہی نال اُن غو مزید کہنو تھو جے اُن غی حکومت غی طرفوں فیصلہ سیاسی وابستگیاں توں متاثر نہیں وین گا۔ جناب عمر عبداللہ نے پچھلے تہاڑے ضلع سانہ مانہ کا نفرنس حال مانہ ضلع جائزہ میٹنگ غے دوران افسراں نانہ کہیو جے چنیا واہ نمائنداں غی طرفوں چایا گیا عوامی معاملان نانہ تاواں تے سنجیدگی سنگ حل کریں، اس دوران اُن غے ہمراہ نائب وزیر اعلیٰ سریندر کمار چودھری، وزیر سکینہ اتو، جاوید احمد رانا، جاوید احمد ڈار تے ستیش شرما وی شامل تھو۔ وزیر اعلیٰ نے اس سال انتظامیہ مانہ پیش آن آلی دقتاں بارے وی جانکا

ری حاصل کی، اس ضمن مانہ دسیو گئو جے اس سال 2 بڑا انتخابات غے چلتیں ترقیاتی سرگرمیاں مانہ تاخیر ہوئی ہے۔ اس تیں علا وہ منشیا ت غے لت نانہ پچھلی دہائی اندر بدھتا واہ خطرو قرار دیتاں واں وزیر اعلیٰ نے اس غا اثرات نانہ روکن واسطے سانجی کو ششاں ور زور پایو۔ اس جائزہ میٹنگ توں بعد جناب عمر عبداللہ نے شکایات غا ازالہ متعلق اک کیمپ غو انعقاد کیو، جس مانہ مقامی لوکاں، صنعتی نمائندگان تے دور دراز علا قاں توں وفود نے اپنی شکایات تے مانگاں نانہ سامنے رکھیو۔

Dy CM

نا نب وزیر اعلیٰ سریندر کمار چودھری نے پچھلے تہاڑے ضلع سانہ غا ٹھنڈی کھوئی مانہ بس اڈہ غا کم کاج غو معائنو کیو۔ اس بس اڈہ نانہ محکمہ تعمیرات عامہ غی طرفوں تیار کیو جا رہیو ہے۔ جس غی کل لاگت 18 عشاریہ 53 کروڑ ہے۔ اس اڈہ ور 100 بس کھلن غی گنجائش ہے، جہیڑی دوجا ضلعان توں آن آلی بساں تیں علا وہ بکھ بکھ علاقان غو سفر کرن آلا مسافراں واسطے اک مرکزی جگہ فراہم کرے گو۔ اس دوران افسراں سنگ گل بات کرتاں واں نائب وزیر اعلیٰ نے ہدایت جا ری کرتاں واں کہیو جے اس پروجیکٹ نانہ تا ولے پورو کیو جائے تے نال ہی نال معیار نانہ یقینی بنان بارے وی کہیو۔

DC jammu

ڈپٹی کمشنر پونچھ وکاس کُنڈل نے پچھلے تہاڑے قومی شاہراہ 144 اے ور چل رہیا کم کاج غو معائنو کیو۔ جہیڑی پونچھ تے اس غا کول کال غا علاقان مانہ معاشی ترقی نانہ بدھان تے رابطہ با رے خاصی اہم شروعات ہے۔ اس دوران انہاں نے بکھ بکھ جگہاں جن مانہ سکا کٹھا، کنکوٹ، ننگالی زون، جنیار، ڈنگلا تے چنڈک شامل ہیں۔ اس تیں علا وہ بکھ بکھ پُلاں ور چل رہیا کم کاج ور ہوئی پیش رفت غو جانزو لیو۔ اس ضمن مانہ انہاں نے اس پروجیکٹ نانہ انجینئرنگ معیار غے تحت پورو کرن غی اہمیت ور زور پایو۔

DC Rajouri

ڈپٹی کمشنر راجو ری ابھشیک شرما نے پچھلے تہاڑے سرکاری طبی کالج راجو ری غو دورو کر غے اُت مریضاں سنگ گل بات کی۔ اس دوران انہاں نے ہسپتال غا کم کاج غو وی جانزو لیو۔ اُن غو یوہ دورو بدھل مانہ نامعلوم بیماری غی وجہ توں 7 افراد غی موت توں بعد ہووے، اس بیماری توں کئی دوجا وی متاثر ہوا جنہاں نانہ علاج و معالجہ واسطے جی ایم سی راجو ری پہرتی کرایو گئو ہے۔ اس ضمن مانہ اُن تمام مریضاں غی صحت مانہ بہتری آ رہی ہے۔ اس دوران مریضاں سنگ گل بات کرتاں واں ڈی سی موصوف نے ضلع انتظامیہ غی طرفوں ہر ممکن مدد فراہم کرن غی یقین دہانی کروائی۔

اس غے نال ہی خبراں غو یوہ بلیٹن ختم ہووے۔